



ГАЗЕТА 1931 ПО' АПРЕЛЬ ИРЫ' ЮКАД ВАТА ХАСАВАЮДИМДЕЙ ЯЛЯХАД НАДИБЕРҢА

СИ" ИВ ЯЛЯХАНА НОПОЙ" СЕРТАБИВА"

Мэбета вадава" ила' панан' етри' мэква"! НЯРЬЯНА НЭРМ



№ 50 (5272)
2025 по'
декабрь иры'
13 яля

СУББОТА

Российская Федерация Ямало-Ненецкий автономный округ



Ямал' 95
поданда хая

4

Яна" ерв тидпой' лаханась

Сидяңг: Марина Яр' тадтавы



Сидяңг: Сергей Зубков' тадтавы



Сидяңг: t.me/artukhov_da_nad_hanavy



Ңарка пэвдей иры' сибимдей яля' Ямална" нэвахана мэна ерв Дмитрий Артюхов е"эмнана" лаханась. Вадамда юне тэволани няць интернет' сер' минредась. Ңадьбята ненэця" ханярид инзеле пирҗадонзь.

Тикы нерцона си"ив яля' ямбан' яна" тер" мале җахакуд тоенана" серото' нямна паднаць. Ңокханда си"ив" юркад вата юнрава' вадам' җэдабтавыць. Лаханаванда мальҗгана хонаркода" җани' танияць. Салехард', Ноябрьск', Новый Уренгой' няд сямьхат җока ненэця" паднаць.

Яна" нермбэртя сидя час' ямбан' 32 юнрава' вадам' таслась. Пили" нерде' 2025 похона җэвы" серо тензэбтесъ. Неноховавна я' индадм' туюхупади" җарка хардаха', Ноябрьск' няби Новый Уренгой' самляңг ю" поданди' хэвам' ваде"җась. Таняна ненэцие" илам' савумдамбава' няю' сертаведо' җока. Сехэрыдо' сулорпада" варемдо' мэць манзаравы". Яна" җардавна тикы серодо' җани' тидхалембидо'. Едэй похона Надым-Салехард' поңгым' җули" җарханда мэё сехэрэңэ лекхэбтаңгудо'.

Хэвы похона тибейңэ хэвэ-хэт едэйвана мивы" хардаха" 62 ёнар" ненэциам' ямдалавы". Пыдо' җокханда 2200 невхы пиямд' тер" җэвы". 2026 похона мядо мимбада" манзаямдо' тамна минреңгудо'.

Яңга тохолкода" җацеки" е"эмня мэ"мы вадада «Морошка» нубета карта' нямна җась. Тикы нядаңгосэйм', небянадо', нисянадо' яна" терҗэ нибто' җод" толё", Ямал' җардавна тохолкода" мал' мэць пиртадо'. Тиртя җанохо"на ханяри' хэсь тарабта, билетадо' хаця мирцяңгу". Тадри' «Морошка» сайтм' интернетсипой" мэць сава җэңгу.

Тованда пом' Сензувна илева' поңэ мэтава". Нермбэртяна" вадавна, сёбар" серо нерня' тидхалембава, ненэцие сенз җэвам' лэтрамбава сямьхат ненадо" җэңгу". Округханана" няхар" юд' мян' лекар" мядм' сулорта". Няд"маңэ едэй тарана җавори тэврамбаңгу", тикыдо' мэць хабцяңо мер' тасламбаңгудо'. Лекар" теневабцудо' җокамдамба Москва март' тохолкованзь җэдалёрта".

Ңэрм' тер" нямна җани' лаханасъ. «Дорожная карта» нубета падарм' ваде"җась. Мюсерта" нина" илам' савумдамбава' е"эмня мэ"җадо'. 2030 по' ёльцянд' тамна несэймдамбаңгудо'. Тикы'

няю' округна" серо ня"амбада" есядамдо' я' җылад газм' туюхупадахат хомби".

2023 похона яна" ерв Пэ" хоё" нямна мюсерта" ты пэрти" җэсын' тэворҗась. Таняна Вэненго' мякана мядомысь. Теда' нянда Юрий Вэненго' пухуцянда ня иланди' нямна лаханаҗаханзь: «Илма" нерняри' миҗа. Мянә" тер" җокма", нюни" нюкця" җадимяць. Пыдар" җод" сензан' җа". Ямална" тигывна илма" җани' савумданая. Мал' таңга, хынёси" илехэва"». Дмитрий Артюхов сидти' җули" саву"җась, Ямал' 95 по' няю' сертаванда концертан' хаҗаюдась: «Мань мале сян по" вынд' җэдалёрҗадм'. Ңока ненэцие" мякана мэдамзь. Юрий' җэсыхына мядо"мами етри' тензэбтембасетыв. Пыда ёльце харбё ненэць'. Округна" соя"ма' яляхана мята терсавэй" җарка маркана" мядоманзь товы җэбта, сава җэңгусъ».

Тарем' Ямална" җэвахы ерв ненадо лахарёхонанда хэвы похона җамгэм' сертавамдо', тад нерня' җэванда серо ваде"җась. Неноховавна илаңгана тарана серо тензэбтесъ, тикы" – тохолкова, лекар" манзая, ненэцие нядабава, сайнорти" няд"ма", тамна җани".

Галина Окотэтто'
падвы

Сидяңг: Федор Воронов' тадтавы



Сидяңг: Сергей Зубков' тадтавы



Нэрёй ты” хабарпава нули” паюда. Округна” тиңгывна ты пэртя” тэравы” тыдо’ хабар-талваха” тэврамбидо’.

Тасу’ яв’ няна тэхэ”на мэна ненэциедо’ саць тэтна”. Таняна носиндалава’ иры’ 13 яляхана едэй хабарталвахана манзара пэйдаць. Тикадо’ Мессо яха’ няюна җа. Хэвы си”ив яляха-на тамна Паюте”э’, Хальмер” Седэ”э’ харад’ няна хабарталы-даць. Сямянхат пуда Нэдяңгана хахая илена” ненэця” харад’ ядан’ тыдо’ тэвраць.

Районандо’ ерв’ вадавна тюку по’ яханандо’ 1200 тонна ты’ җамзам’ җыдаванзъ тасламби”. Тикадо’ җани’ похотата юр” си”ив ю” тонна’ пирувна җока. Яханандо’ тыто’ хэва” саварка”. Теда’ хабарталваханандо’ хусувэй ялядо’ таславы. Хибя”, сяха’, сяҗок тым’ тэвравада, мал’ пады”. Манзаядо’ минханда минда, хибяхарт пуны’ ни җа”. Ненэцяңгана җод” тыдо’ танабавандо’ ёльцяңгана сава җэңгу.

Едэй хабарталвахана сидя юр” тонна ты’ җамзам’ җыдабаванзъ тасламби”. Тикахана едэйвана няхар” ю” самляңг ненэця’ манзаядамда хоңгу. Манзаяндо’ тидпой’ мима е”эмня хусувэй таранандо’ тая. Җолава’, хонё, мата мэта лоходо’ хамедавы”.

Тёняҗы Воркута’ нямна мюсерта” ты пэртя” тыдо’ җани’



Сидяңг: Марина Яр’ гадтавы

Тасу’ явхана хабарта”



яхана” тэврамбидо’. Харе” илена” җыхы” похот яна” няю’ тыдо’ танабидо’. Ханяҗы тёняҗы Ненэцие” округан’ тыдо’ ханлэйдо’. Тарем’ пыдо’ җани яхана тыдо’ хабарпи”. Тикы няд”мяць Приуральской районхана 267 тонна ты” җамзам’ җыдавы”. «Паюта»–223 тоннам’ томдавы, «Салехардагро» – 44 тонна ты’ җамзам”.

Тэхэ”нато’ ненээциена” җамгэ’ мянувна есядамдо’ недвота”. Тикахат тарана җамгэдамдо’ тэмдабаңгу”.

Марина Яр’
падвы

Таром’ ха”авравы”

Ненадорка яна” тер” Ямална” ила’ сехэрым’ лекабтамбада” то”олха”. Пыдо’ нито’ нерняна миҗа”. Нермбэртяңэ, пармдандо’ тара”. Округна” 95-й похона сиддо’ саву”җава”, няндо’ сейхад миндя” вади мэ”җава”. Минрена манзайдо’ тыхасовна тидхалембавандо’ няю’ ерв” җудахат ненадумда”ми ня”марпи”.

Сёяха’ тер Вануйто Леонид Сомдерович Ямальской район’ ненадо ненэця’ нюмам’ мэлвы. Пыда «Валама»’ предприятие’ җэвахана мэ. Җока по’ ямбан’ серода тид” минрейда. Неноховавна сэрад” похона ненэциеда няд”маси” нивыць хаю”. Харта җод” мюсерта” нида сита няд”мяць

невхы иринато’ недарми нёда иле. Ты пэрма’ серто’ нерняри’ тидхалембидо’. Тикы хавна сидя фактория’ «Тамбей», «Матюй-Яха» манзаи минре.

Тасу’ я’ ненадо ненэцяңэ Малькова Галина Сергеевнам’ таславы”. Илебей некоцяңэ нюдяко җацекы тохоламбадаңэ манзара пэвы”. Тикы’ пуд мел’ ненэцие” мяд’ җэвахана мэвы. Тамна социальной защита’ җудонданаңэ таравы. Пыда’ табековнанда «Забота» нюбета центрм’ нэвы”. Җока яндо’ тер” тоенана серканато’ таян няд”мадамдо’ ховы”.

Галина Окотэтто’ падвы

Җарка тасалковахана МЭВЫ

Москва маркана Россия яна” тиңгэвна минрена серо тасламбиць. Җэваханандо’ мэнаңэ яна” нермбэртя Владимир Путин мэвысь. Ямална” ерв җобтики тая’ җэдалёрҗась.

2025 похона серта таславы манзайто’ җокамбой пеля мал’ илаңганана” таром’ ха”аврамби”. Тарем’ Ямалханана” Җэрм’ тер” илам’ савумдава’ няю’ җокханда 11 национальной проект манзара.

Округханана” «Инфраструктура для жизни» нюбета’ сер’ 7,6 ёнар” тибейңэ хэвы” хардахат ненэцие ямдалавы”. 35 км’ пир” сехэры сулормы”. Тамна 16 ныланава’ ям’ савумдавы”.

«Молодёжь и дети» проект җани’ илаңганана” тара. Җацекына” сёбар”, мел’ серкана теневабцудо’ җокамдамби”. Хусувэй школахана «Движение первых»’ отряд” тая”. Илебей ненэця” «Я молод» Школахана тохолкурҗа”.

Президент’ вадавна, неноховавна хусувэй сер” нюсавэй” мяд’ тер” е”эмня таром’ минребта сава җэңгу. Маня” яханана” округна” серо ня”амбада” ерв «Семья» проектм’ җобтики яля’ няри’ тидхалембидо’. Җока нюсавэй ненэця” хуркари” няд”мидо’ тая”.

Галина Кинчина’ падвы

Халядана” тамна ватаңгурҗа”

Салабанда ханима’ нерня округна” тиңгывна сяҗок халям’ ватавамдо’ тасламбиць. Ёртя” манзаядо’ план’ җокдахад пере. Җадьбято’ ненээциена” по’ сидя вэчна етри’ варемдо’ мэ”җа”.



Сидяңг: Марина Яр’ гадтавы

Тюку по’ Ямална” халядана” ю” ёнар” тонна халям’ җыдаванзъ тасламби”. Тикадо’ небой пондо’ пир”. Пудана самляңг-мат” по’ сер’ тарем’ хане”. Ватавы халэдо’ ненэцяңг” мирдапвандо’ хавна тамна хуркари җавыдота җавар пиремби”.

Салехардыхы халя’ комбинатхана тарцям’ җадимдевыць. Новой Уренгойхана җобтики похона тет юр” тонна халяхад җавыдота җаврадамдо’ серта пирҗа”. Надымхана җани’ цехдо’ җадимда. Таняна сидя юр” няхар” ю” тонна халяхад җавар пирембаңгу”. Халядава’ нямна җэрм’ тер” е”эмня җани’ сава юн тая. Җани поход җэрм’ тер” халям’ ватавандо’ няю’ сяни” падро ни” сертабаңгу”.

Марина Ярой’ падвы

Манзаямда ненадумдавэдо'

Россия яна" тигывна харто' тэнзато' вадаха" нацекы тохоламбада" Нарка съездханандо' ма"люрнаць. Таняд ёльце сава юнм' намдаваць. Маня" яна" тер Людмила Алексеевна Вуквутагина тамна сидидет нита сер' нарка ненадумда"масавэй падарм' ня"амвы. Сиддо' яна" нардавна невхы иринато' вади нерня' тидхалембавандо' е"эмня саву"мы".

Ненадо падродо' Сергей Сергеевич Кравцов' Россия' тохолкова' серо ня"амбада министр' пидте"мяхана мэйравы". Людмила Алексеевна школаха на мале тет юкад вата нюртей по" ямбан манзара. Нюдя нацекы тохоламбаванда хавна ненэй вада' урок минре. Нарка ненадумда"мамда тохолкось мэта" навори сертабаванда е"эмня ня"амвэда". Неноховавна тикы" «Ненэця' вада» нубета" учебник". Тамна – ненэй вада' урокахана няд"маңэ мэта" тетрадь". «Просвещение» издательство' няна ялян' надимы". Ёбсер' «Новый учебник Севера» серия' пелянэ тара".

Ямал', Таймыр', Ненэцие" округхана ненэй нацекына" мал' пыда сита няд"мяць падвы учебник мэць тохолкурна". Тамбирувна ненадо манзаямда няна" ваде"надась:

– Сибимдей классхана мэта ненэця' вада' тохолкобць' 2018 похона мале надимась. Тедахав' 8-й, 9-й класс' е"эмня падвыни" таня"ма. Мал' тетрадьсавэй". 6-й, 7-й класс' ненэцие" литературам' нани' сертаваць. 2-й, 3-й, 4-й класс' е"эмня ненэй вадавна падвы" толаңгобцьдо' нобтики таня". Нацекы тохоламбади няд"маңэ мэ"манда" табекосавэй" падынаць.

Иланда, мята тер" нямна тарем' лаханаць:

–Мань Белояркана соядамзь, мамав еркаравнанда Ламдой, Приуральской районхы Седельниково' я' тер, нисяв – Бармич, Канин' саля' тер. Нисями Салыгардахана ЗВТхэна тохолковысь, тадикахад Белоярскан' манзара товы. Тарем' ниди' ховыди".

Нерняны иланганани тараванда манзаями Ленин' маркана, Нэрм' тер" факультетхана тохоламбывась. 1984 похона таняна тохолковами малевась, хар"ни яхани манзараванзь тодамзь.

Сидя не нюми, нобкана нацекы тохоламбадаха'. Елена Юрьевна луца вада' урок минре, школана" завучнэ тара. Нобтики А.И. Герцен' нюмам мэта Университетхана тохолкусь.



Сидягү": dkmms.yanao.ru няд ханавы"

Нюдяюм' – Маргарита, Петербургхана Лесгафт' нюмам' мэта Университетм' ёльцесь. Адаптивной физкультурам' тохоламбись. Няхарнэ Белоярской школахана" манзарава". Хасава нюми электрик', сварщик', сантехник' манзай пэрна.

Мале сян учебникм' Елена не нюни ня' падыбининзь. Юнета учёной нява" Мария Яковлевна Бармич сидни' сававна учебник падыба табедамбись.

Теда' тохоламбадини" – 4«а», 6«б», 8«а», 8«б» классхана мэна". Вындер нацекыни" вадамдо' мал' теневадо'. 8«а» класс' тер" пелядо' луцарка", хабирка". Пыдо' сабе сававна ни" лахан". Тикы' хавна поңганандо' тетдо' – нысма". Мань вадамдо' теневав, надыбьяни нани' тохоламбин. Мал' нобкана нопой лохо' мюня мэсеты". Тарем' ханяны" тамна нито' вади тохоламба пирна". Луца вадавна тидхалембасетын. Нопойрида вэва: нысми" вадавна 5-й класс' пуд учебниква"яңгу. Тикахад нани' Тохолкова' серо тидхалембада департаментхад ненэй вада' учебникдава", тетрадьдава" тянэвна нэдабтамби". Надыбьяна" невхы толаңгобць мэцетыва".

Ти, тарця тарана манзаям' нацекына" е"эмня Людмила Алексеевна минре. Сита няд"мяць ненэй ненэцие" поңгана харто' вадидо' теневана" етри' жокамданаңгу".



Салаба сехэры' нямна

Нюдяпэвдей иры' 28 яля' Салехард', Лабытнанги' поңгы сырэй сехэры хурка нэвам' манэ"сарнаць. Яля' еркана яха' варан' комиссия' тер" нэдалёрнаць. Салаба' лэтад сямбир" нэвам' тасламбидь.

Тикы' нерцюна си"ив яля' сырэй сехэрым' сертабада" варемдо' мэць манзараць. Машина" сидя явна нэдалёрць пирмандо' е"эмня сидя недам' лекабтамбавы". Тикэхэюдо' салмуйнэ сертавыдо'. Салаба 35 сантиметр' ёльцянд' нянор"мы.

Тасалковандо' пуд сидя хардаха' помна вэңгалёда сехэрым' нэдонзь. Ялэй няхар" час' пиркана нули" нердена" машина" нэдалэйдаць. Тедари' няхар" ёнар" тоннам' саңговотари" нэдарамби".

Салабанда тамна нянор"ма' сер' ю" тонна' пир" машина нэдарамбаңгу". Тамалыңгана сидя хардахаюна" помна нэдалёрта" автобус" манзара пэңгуд". Ненэця" таңга манзаяхато' тэворта".

Ямал' тигывна тадри' нани" сырэй сехэры" манзара пэңгуд". Сямянхат нерденаңэ Самбург' няна нэдам' мале нэвыць.

Ты' хоба" няд"маңэ тараңгу"

Нарка яна" нардавна сайнорта" нина" ханзели" нядабина". Нацекы", нармы" ненэця" ныхыто' пирувна нани' нядаңгурна". Неноховавна манзарана" ненэця" варемдо' мэ"на". Харто' есяханато' тэмдабадидо' – хасуй навар", пардон", тамна тарана" навори". Ханяны" лыңгнэ мэта" поңга паңгалпи".

Тандая' нани' нопой сава юнм' намдаваць. Нэрм' тер" нява", Светлана Тайшина СВО' няю' сидя ю" ты' хобам' нэдабтавы. Тарця сава серм' Ямална" тигывна манзарана Народный фронтм' няд"мяць тидхалевэда. Нямнанда таняд тарем' падна": «Мята тер" тым' иландо' паңгнэ тасламбидо'. Невхы иле"мито' сер' хусувэй намгэдо' тэхэд пере. Хусувэй серкана тэкоцидо' няд"маңэ мэ"мыдо'. Надыбьята пыда теда' сэхэ" паңохона тэри мэсь я"амвэда».

Светлана' вадавна, ноб" няю' нятвава" сидна" мэбе"ламби, сайнорта яна" тер" ныхым' нарамдамби. Нэдабтавы хобакоцида тецьда нумгана юдернэ мэтыдо'. Тикы' хавна лыңгнэ мэць нани' пиртыдо'. Ты' хоба' нылна мэна ненэцьм' «беспилотник» тую"уд нида манэт",

Тамна нани' нопой нядаңгурта нэрм' тер нява" Тазовской район' няна иле. Тикы' Алексей Яптик. Мале понарка сайнорта ненэцие" е"эмня ты" намзахат сертавы" навидота навар, ты' хоба нэдабтамби.

Пыдо, поңганана" нерденаць

Тюку ненэй ненэця" ня-
нана" ненадо". Пыдо, нер-
няңы илна" е"эмня саць ңарка
таром' ха"авраць. Теда' я'
сяр' ниня юнва" сова' няю' ха-
ре" манзаяханандо' варемдо'
мэ"ңаць. Хусувэва" яханан-
да, тeneвана серкананда сито'
тотрев' варемда мэ"пата Ямал-
на" тигъывна тамбирувна
юнета" ненэциена" тамна ңо-
камданаңгу".

Ного Иван Федорович – не-
нэй ненэцие" паднана, округна"
ңадимданава' по" пиркана
ила' серо минрени" ерво" поң-
гана манзаравы. Советской
илам' сертабава' манзаяхана
нядаңговы.

Истомин Иван Григорьевич
– сямьхат нердена «Няръяна
Ѓэрм»' нермбэртя, паднана,
падтаңгурта.

Иван Антонович Юганпе-
лик – паднана, падтаңгурта,
лаханако ма"ламбада, ңарка
сайнорма' мальңгана ява" лэ-
трамбавы ненэць', «Няръяна
Ѓэрм»' нермбэртя.

Леонид Васильевич Лапцуй –
паднана, «Няръяна Ѓэрм»' нерм-
бэртя, ңацекы" е"эмня ненэця'
вадавна ңэда" толаңгобць пады-
бада.

Сергей Николаевич Харючи –
Ѓэрм' тер" илам' тидхалембавы,
Ты пэрти" Союз' нермбэртя.

Хатяко Мэйкович Езынги –
«Ямал-ню"на" я!» Ассоциациям'
сертаба нядаңговы, нермбэртяңэ
таравы.

Семён Николаевич Няруй –
нердена ненэй ненэцие" ком-
позитор, невхы сё, лаханако
ма"ламбада.

Хабэча Хываревич Яунгад –
«Няръяна Ѓэрм»' нермбэртя,
юне падыбада, тадтаңгурта.

Анастасия Тимофеевна Лап-
цуй – ненэй ненэцие" нердена
кинорежиссер, юнета юне тэво-
лана.

Елена Тимофеевна Пушка-
рёва – ненэй ненэцие" невхы
иле"ми, лаханако ма"ламбада
учёной.


Елена Григорьевна Сусой –
ненэця' вадавна ңэда" толаңгобць
падыбада, юнета ңацекы тохо-
лбада.

Няруй Валентина Нёлёковна –
ненэця' вадавна ңэда" толаңгобць
падыбада, тохолкова' серо нерня'
минрена.

Анна Павловна Неркаги –
паднана, Лаборовой' школа'
ңудондана.

...

Ямал' 95 пода



Я' ңавнанда
Ѓарка Ямал
Синё тонда мэць
Юседариңась...
...

Теда' тебта' яля'
Я' инд' халм' –
Ту пяринэ
Мань яни тер"
Пыдо' мэ"лаңгудо'...

Иван Истомин

Ямалва" падаркана
яңга иле яңэ, луца вада-
вна Ямало-Ненецкой ав-
тономной округңэ 1930
по' ңарка пэвдей 10 яля-
хад пады. Тамальңгана
яна" ңэвахана мэна"
ерв" тарця ватом' тодо"
тэнзо мэта", ңэрм' няна
ңахат иленя" ненэцие"
илам' мэйрамбава' е"эмня
ня"амвэдо'.

Ѓардада - 750 ёнар" ква-
дратной километр' пир".
Ѓэрм' няна ңэда варда Итя
Ѓабтенья яв' няби Неро яв'
няна ңа.

Округна" харта нена-
думда"мида таня": лабак-
да, яна" ненадумд, етя
таславы сёда.

Ямална" ңэвахы хардаңэ
Салыңгарад тара. Нерде'
Обдорскм' нюбе"ңась.
1933 по' маңгыт" ирыхы-
на Салехардңэ нюмде-
донзь. Тамальңгана нюдя
хардаңэ толысь. 1938
похона ңарка марадм'
нюбе"лась.

Ненэциена" тодо"
район' сер' иле", тикы"
- Красноселькупской,
Пуровской, Надымской,
Приуральской, Тазов-
ской, Ямальской, Шу-
рышкарской.

Ѓэрм яханана" тарця"
марад" таня": Лабыт-
нанги, Надым, Новый
Уренгой, Муравленко,
Губкинской, Ноябрьск,
Тазовской, Тарко-Сале.

Яна" ңэвахы ерв, сямь
ерво" ний – Дмитрий Ан-
дреевич Артюхов. Пыда
яна" ила' паңгм' ня"амби,
ненэцие" няю' таславы
вато лэтрамби. Манзарась
яда Салыңгардахана ңа.

Округна" есь" пэнёсьм'
пандамбадаңэ я' индадм',
я' тебтм' туюлпада" та-
ра". Яна" ңэвахана мэна"
ерв" таняд тохолкова',
сёбар", лекар" манзай",
харад" мимбава', сехэры
сулорпава', тамна ңани"
илма" савумдамбада" серо"
няю' ңадимдембидо'.

Ѓокханда яна" ңардавна
523 105 ненэця" иле".
Я' мидыхыд хар"на"
яханана" илена" ңэрм'
терңэ няхар" тэнзва": не-
нэй ненэця", хаби", тасу'
хаби".

Иринато' ила' сехэрым'
нёдана" нина" вы' якоцяв-
нандо' мюсерңа", халям'
хадаби", хане".

Россия' тигъэвна Ѓэрм'
няңы ё" терхат Ямал-
ханана" ты пэртина" сямь-
хат ңока тэдо'. То-
лырто' – 604 ёнар".

Соя"ма' яна" 95 по'
няю' ханярина илека серо
минрева", ненадорка", ва-
лёярка" нина" саву"ңава".
Тид" минрена манзайто'
е"эмня сейхад миндя" вади
хэтыбива".

Инда хая

Илебей ненэця" лахана"

Ҳарка пэвдей иры' юдимдей яляхана округна" Ҳарка соя"ма' ялям' ядабтамбива". Ямална" 95 поданда хая. Таҗок по" ямбан' маня" ненэй ненэцяҗэ илма" сава няю' саць яҗга"ма. Тикым' Ҳарка ненэциена" саць сававна хамедамбидо'. Теда' вадамдо' илебей ненэциена" мэтадо'. Пыдо' илма" тамна' тяха' минреванда". Индо' ядэрабцо" нямна хонрамбинаць. Пыдо' хэбидя яля' ед' сейхад җэда вади хэтаць.

ТЫ ПЭРМА – ИЛАНДА ПАҢГ

Степан Тяро – ты пэртя. Нюдя җэванда мальҗгэхэд тэхэ"на мэсь торомбэй. Теда' Нядаҗгарад' няна иле. Наре' харад' хэвхы выҗгана мюсерҗа. Мята тер" невхэхэд Пути" еркарахад паҗгды". Пыда ирината теневабцу илаҗгананда няд"маҗэ мэ"эйда. Тикы' хавна Ҳарка таром' едэй мутрахат җани' хомби. Гордей няби Мартин хасава нюхуюда тамна нёлёкоцяха'. Тедари' Сандра небянди' хэвхана мэсетыхи', ялэ" ямбан' сянакурцетыхи', ныхыти' пирувна мяд' манзай сертаба нядаҗгосетыхи'. Тарем' җод" нисяди' хахая җэдалёрпата Ҳаркаюм' хасава нюмда мале нянанда ханласе-тыда. Тыди' ма"лаванзэ, поҗгади', яҗгоди' манэ"манзэ ядэрцетыхи'. Хасава нюда нюдя җэбта җод" хамедамбидо: «Ҳэрм яхадана" сава я яҗгу».

Степан вадавна, хусувэй ненэць' нерняҗы иламда харта яля' няю' тидхалембидо. Теда' вадёдана илебей ненэцяҗг" тарця" табекомда мэ"җа: «Тамна җока по" ямбан' хар"на" яна" нина невхы иринана" недарми нёдахава". Ява" сянзэ тына" вадабахава". Хар"на" нюна" е"эмня я' сяр' нийм' хабтоҗэ лэтамбахава"».



Сидяҗг: Александра Тяро җэдабтавы

ТИД" МАНЗАРА

Артур Сэротэтто Ямальской район-хана Яр-Салыхана иле. Мяд' терсавэй. Нисяхаюни-небяхаюни' хой' няна иле"җаха". Нюдяко җэвани мальҗгэхэд ты" мякана иледамзэ. Няхар" не нями. Ҳавнани' Сёяха' школа-интернатхана тохолкудамзэ. Ҳули" сававна школам' малевась. Пуна' манзаядми тохолаванзэ Тюменян' хаядамзэ. Таняна я' тебтм', индадм' нэкалпавам' тохоламбава' тохолкул-вахана варемид мэ"җадамзэ. Хуркари" едэй мутры мэ"цетыва". Тикы' хавна җани тарана җамгэхэ" тоходадамзэ. Малё"махадани армиян' хан"җадамзэ. Нюртей таняд то"махадани Яр-Салыхана Ҳэрм' тер" серо тасламбава' мякана манзарадамзэ. Тикы' пуд Бованенково' няна я' тебтм', индадм' нэкалпава' манзаям' минредамзэ. Тохолковами таняна саць тарась. Няхар" по" манзарадамзэ. Тедахав' тарана падро сертабадаҗэ тарадм'. Небяхаюни' ня' етри' ханцетыдм'.

Артур округна" соя"ма' яля' ед' тарця" вади хэтакь:

–Яна" тер" сенз" җэя". Хусувэй хибя сава ихиния илея. Ямална" е"эмня манзарана" варемдо' мэ"җая. Ты" мякана иленина" сэвна" сыла"ма' илна" саирм' лэтрамбая". Салаба сэрад' по" яҗгоя". Тыто' хэва" сава" җэва" е"эмня яха"нато' нядадо' ёря җэя. Ҳэрм' терҗэ илна" саирм', вадава" лэтрамбахава".

ТЭРИ ХАСЕНАВАМ' ЕХЭРА

Алеся Окоэтто Ҳыд' хардахана ман-зара. Школахана толаҗгова' мякана җацеки тидхалембадаҗэ тара. Иланда пуномда"маҗэ тарця" иҗудота" вади мэ"җа: «Ҳоб' ядбат җока ям' хаеҗгун, җопой яхана җамдёб"нанд пядрев' минханд посаваҗэ хан-тан». Ҳадьбята манзаяхананда сяхаҗгарт' тэри нисеты мы". Пили" нерде' едэйвана җадимы" толаҗгобцэ' нямна минханда җацекехэ" лаханасеты. Няндэ' таславы табекода тарця: «Книгам' толавдавэй" нира" хамедаҗгу". Таняд няд"маҗэ сава инда" җудм' хоҗгуда"». Тикы' хавна илека сянакубцха"на хуркари" едэй җавэ җацекехэ" вадецеты. Ямална" соя"ма' яляхана тодо" яха"на иленаха" тарем' табекурҗа: «Иринана" илам' теневаб"на", нерняҗы илаҗганана" ненза сехэрым' нёдаҗгува"».



Сидяҗг: Алеся Окоэтто җэдабтавы

СЕХЭРЭМДА ТАСЛАВЭДА

Богдан Лаптандер колледжхана нерняҗы илаҗгананда тараванда манзаядамда тохоламби. Ҳули" нямбара. Тохолкованда нямна тарем' мась:

–Мань нисяхаюни'-небяхаюни' тэхэ"на мэ"җаха'. Пэ" хой' нямна мюсерҗаха'. Аксаркахана школа-хана хасава юд' пом' малё"мхадани Саляҗгардан' тось таславась. Тюку илаҗгана падро тенева"на" ненэця" тара". Тетимдей по режиссёрҗэ тохолкудм'. Нюдяко җэвани мальҗгэхэд хуркари кино манэ"сарцетыдм'. Ихинияни җули" мэкадарха" җэсеты". Ханзер" сертабавандо' нямна ирими ядэрцеты. Пуна кином' сертабадаҗэ тохолковам' хар"н" тэравась. Нисяхаюни'-небяхаюни' манзетыхы": «Харт инд сер' җа". Ханяри тохолкованзэ хань". Теневабцод нянанд тараҗгу"». Тохолкованда хавна Богдан Россияна" «Молодая гвардия»хана мэ. Волонтёрҗэ тара. Округна" соя"ма' яля' ед' тарцэ вади хэтакь:

–Тедахав' илма" нерняри' миҗа. Едэй хуркари" мутра" таня". Тикына" няд"мяць естри' едэй җавэ тохоламбива". Ямалханана" ненэциена" сензэ илея". Ҳэрм' тер" иландо' саирм', вадамдо' нёмдо' юрыбю". Нисянана"-небянана" нядабахава". Выҗгана мэна" ненэцие"на" танява сава. Ҳавхы иринана" минревы илна" паҗг пон' таняҗгу.



Сидяҗг: Богдан Лаптандер' тава

ТЕДАРИ' ТОХОЛКУРҖА

Виолетта Вануйто Новый Порт-хана, сиднетимдей классхана то-холку. Хуркари" пирдырмаха"на мэсеты. Неноховавна математикам' харвобта. Стихотворения ненэй няби луца вадавна падыби. Лаханако, җани хуркари" илекавна падвы ненэй вадан' тэв"рамбасеты. Юкад вата җопой классм' малеванзэ тасламби. Таддикахад Ҳарка март' тидхалё то-холкованзэ ханда. Округна" 95 по' ед' инда ядэробцо тарем' хэтыдась:

–Маня" тохолкодаҗэ сяхаҗгав' Ямална" е"эмня тараҗгува". Хусувэва" варемда мэ"җая. Тамна җока" хуркари" едэй" мутра" җадимда", тикы' тохоламба тараҗгу". Ҳэрм' ява", илна" саирм', вадава" лэтрамбахава". Ненэциена" җобанзер' хынёси" илея".

Ненэсянда вадёдана" җацеки" поҗгана нерня' җэдидо', то-холко ва"лэйдо' таня". Нидо' няндэ' сыраць җани' варемдо' мэта". Тарця" няхато' енаҗгу".



Сидяҗг: Руфина Окоэтто' тадабтавы

Я' МАЛ' ПАДТАҢГОДА

Лилия Артеева харта иланда нямна тарем' лахана:

–Мань Я' малхана Ҳыд' хар-дахана соявэдм'. Нисями – җысма, небями – ненэй не. Сидя тэнзяхаюни' си"ми савумдамбада' то"олхаха'. Илаҗганани ся-мянхат илекаҗэ едэй ё" нямна җэдалёро"мами, ехэрана ненэцие" ила' саирм' торомдамбавами тасламбидм'. Таняд ныхыдами хомбидм'. Манэ"мыни" падарт' тэврамбин.

Падтаҗгурпани, я' сяр' нийм' падтамбасетыдм'. Нено-ховавна Ҳэрм' ява" хусувэй по' паҗохона паской җэсеты. Тикым' манзаяханани" җадимдембасетыдм'.

Ямална" соява" похона хуркари серкана тарадм'. Тандая' падтавы манзайни" Нядаҗгарад' терха" манэ"лабтамбинась. Тамна культура' мякана тохолкода җацеки падтаҗго тохо-ламбидамзэ.

Тад' нерня' ихинияни Ҳэрм' якоцява" тамна савумданаҗгу. Ҳод" хар"на" нерня' җэхэва".



Сидяҗг: Лилия Артеева' җэдабтавы



Мылтуң мэ'ңаш"



Пуровский' районхана җайта общественное' движение «Ямал -потомкам!» җалка мылта мэ'ңаш. Общественный' движениң мыдан җахалдју" җахал делегат" җомаш".

Чикиң камна мылхантоң Пуровский' районна ведв Кирилл Михайлович Трапезников тоңаш, президент' ассоциации «Ямал - потомкам!» Эдуард Хабэчевич Яунгад, недьчезей инициативный' группам шедтамы Октябрина Кытымовна Агичева, шича дју" пуң Пуровский' ассоциациҗ мансдям миндемы Мария Леонидовна Климова. Җыди понанта чики общественный'

организацим Пюд дяхана дидина" нешай" – ненэй неша", капи", вахандя капи", җысма" җятапёманта мэт шедтаҗатоньш.

«Ямал -потомкам!» 1988 похона инициативная группакат җычимы. Җуп пуң каймыхат, 28 ноябрьхана 1989 похона «Ямал-потомкам!» нимита ассоциациҗ Пуровский' районхана патҗатоньш. Четаҗ маньде җахалдју" мат' пуң мансдаҗа. Мылханантоң общественный' движениңтуҗ мансдям миндена Светлана Пяк доклад' вачаҗаш, «Ямал - потомкам!» куше мансдамаҗ де'эмня мунуҗаш.

Чикиң камна мыдан җомэ" нешай" дилың җамна җайта вачи" тасдымпиш", навэт җамым шедта таламам вачаҗаш". Четаҗ деты дилхана тасдакта" шед" дяди" тахана җокташту". Неныма-на выҗкна дидина", мансданна" нешади" дилм дэтдампёш тала. Чикиң камна СВО-хана мэна", хайнольш каймы" неша" җятапёма хома". Четаҗ хаймы-хина мэни" җятапёш общественники" җука мансдям шедташту". Мылханантоң деты-мана ассоциацинтуж Правленихина, Совет старейшинахана мансдакта нешантуҗ

тэдаҗаш", общественный' орга- низацинтуж ведват. «Ямал-потомкам!» мансдям миндена председателътатонҗ Андрей Игоревич Пяк тэдаҗа". Андрей Игоревич кашади" дју" пуң Пуровский' район телевиденихина специальный' корреспондентҗэ мансдаҗа.

Чикиң камна пыта государственный' муниципальный' управлениҗ мансдям дет тохолкуш. Деты мансдям чепьманта недьня Андрей Пяк маҗаш: «Четаҗ мани чупей кёвханай мэмы", ши'ий җятапёмы неди" хома шоньшахана вивхальдян. Тат недьняҗ мансдям җука җайты. Җокна мэш, җуп нэхэхана, ассоциацина мансдям минденҗама, чикехена хома җайты».



Татма: Андрей Айвасседо таттамы

Округма – 95 пота

Чуки дидиң дучимты дядяхана маня" Ямало-Ненецкий автономный' округма кашем'дюд" хампдяҗк пота кайны. 10 декабрьхана 1930 похона җычимы, чуки похона юбилейта җайты. Недьчезей няна Ямало-Ненецкий национальный' округҗэ пачумай, административный' центр'та Обдорск җаймай. Җахал пуң кэймыхат чики калту'удим Салехардҗэ нимчимайтуҗ.



Маня" петадахана дидина нешаҗэ вата-ханана Халыҗкадват. Чикехет 1938 похона Халыҗкадват җалка кадватҗэ патмайтуҗ. Округма недьчезей дју" похонанта шанат областъхи" тондюмай - Уральский', Обско-Иртышский' и Омский җэштомай. Чикиң пут 14 августхана 1944 похона Тюменский область дет тасдыш. Ямало-Ненецкий автономный округҗэ 1977 похона кадыш. Маня" Ямал дяханана недьчезей кадват" шедтапёш чепьмантуҗ дёдышкана Җэдм' чел" неша" җука җайвачи" шедтапёштомай". Пяй" мяту" милыштомай, мяту" пи" тыҗканхана", пай" җанохана" тайвапёштомай. Луши"дытындаштомай", пэнтди" тайвапёштомай".

Четаҗ ЯНАО дёдыше җалка. Җукадём дян-



та педял Полярный' круг чена җа. Округхана шичадяҗкня муниципалитет хампдяҗк шедктуҗ тондјота кадват, шеэв район".

Лакхай похоты" шаҗкмян калту" таамна кулкади" җалка пэй мят җычимы". Маня" дяма – тэта регион', җамэхелта ни' дику. Тэта җэйвсута округхана дидина нешаҗкат җа. ЯНАОхана җопшел хампдяҗкдюд дёналкат җука неша" дидиҗа". Ямалханана шанат тэмс неша" хома шоньшахана нетуҗ җаш диде". Выҗкна, петадахана дидина" ненэй неша", тасам капи", капи", җысма" калитаҗа", ты" паделъш мансдаҗа". Округханана җопшел мат'дюд" деҗалкат вата" ты". Җэдм' чел" неша" кукитоҗ тамна мюшады", шиниҗкуй нидинатуҗ миндемы дилм минде выҗкна дидиҗа".

Ямална юбиледян шанат кадтыхина" хомана җанатамэт. Пюд дяхана җука" мероприятия" таньдет җайта шедтаны. Талкахана маньде округна юбилей' дет җайта җамыдётоҗ мээддјатуҗ. Дяхаҗ лаҗк няна Набережной Саргина татма шату" җытулмай". Музей' шедтамы фотовыставкахана «Район в кадре» кулкади" татма тадыҗа".

Чикиң камна культурахана мансданна" җай җыди" вильта, округна де'эмня җайта җамыдју" шедтаны". Талкахана спектакль «Героями не рождаются» җычимчены". Җалдыҗашки" җупчики таньдет җанаты". Шанат тэмс җашки неша" вильта иммерсивный' спектакль «Голос ветра. Сон легенды» җокна шедтапи". Чикиди ниҗа, кулкади" җычимчены". Пюдяҗ чел" округтуҗ дядям хомана мэтҗатуҗ.

Їэва лоґгле, Їэва тырцуре

(Нюртей пелямда 49 номер-
кана толара")

Пуна Парнэко-пухуця ма:

– Теда' итми тэвади', техэ янда
малханда мась џэя. Не нюни
хаюпа ханабати', хибя итми
тэвабаґу?

Харта мят' мятю. Тырыбэй
халям' џаворць тибито' мар-
нари" со". Тырцуре"э сидя едм'
ня"амхая, Лоґгле яракоцям'
ня"ма. Пирця саля' нид џыльня
сюрмбихи'. Парнэ яхакоцяхад
итамди' сахалпихи'. Тырцуре"э
ед панаць минре. Лоґгле яро-
коцянда џылдахана, я' поґгна
ханяри' садпида. Їэва тырцуре"э
ма:

– Ханя' сабыбаґуни'? Иле-
ванда' ямбан' мась џэванда
е"эмня?

Сян ханя' сырґа, нярцо ям'
манэ"ґа. Пяхана нярцо хэвня на-
вольяда. Ицавэй меґга џэвы.

– Тикан' вабтахани', тоґэ не-
накы хант".

Пи' ямбан', яля' ямбан' тэ-
ванаґаха' – наґэда тоґэ хая.
Пэвсюм' няна Парнэко-пухуця
мякданда пин' џадимя, ма:

– Наґэда тохов илевани' ям-
бан' мась џэґу!

Не нюхуюда мякад хаґа:

– Ненюкцяхаюни! Сядота-
кохоюни! Савак хадиди' тютит'
малан' сюрґади'. Савак тибяди'
нянди' син' самнейди'. Хасаваха'
сидти' ваторґадм', манзаиди"
мал' мэйди': пядми пэ"ґаха"ма,
итми тэваґаха"ма – илевахани
мась џэґу. Хаюпа хэб"ти' ґод".
Пиняку' тарпыди'. Хибя нянди'
сырґа, тикым' мэди'.

Парнэця некоцяха' пин' тар-
пыхы'. Їэва лоґгле нямда тирти-
дембахая нерня' сюрмби. Їайта
салґяна не' хэван' нулґй", ма:

– Тюку некоцяхав џавар пи-
ремба теневарха. Хэвхананда
савовна џавортадм'.

Парнэця некоця вабтёй сэв-
ханда ха"мы". Харта нябим',



ва"лейм' харвобта. Няхаданда
ґаркамбой парнэця некоця ма:

– Хибяри' нярґяна ной ними
хоґгуда – тикахана хаюпа хан-
тадм'.

Їэва лоґглер нярґяна ной
ним' пюрць мят' санэй". Сея'
пахаґгана, ва"авхана, пыр-
кабтадо" помна, толь' џылна,

– ханяхартана нярґяна ной ни
яґу! Їу" паха манэ"ґава, мюй-
косавэй лабпида. Ханяхартана
яґу. Лоґгле џэвамда нибклахая
пин' тарпы".

Їэва тырцуре"э мят' ни мятю".
Няґоте"э салґяна не' хэвувна
ядэсумби, сидя няюд вэдепида,
пуна ма:



Падта"ма": Руфина Окоґэґто' падтавы"

си' няна хулцуторґава, нарам'
хэвхана пюрґадава. Ти' ним-
на сырґава, макода' сихина
ляґгабтёдаґэ пюрґадава, пелей'
няна хулцуторґава. Харта тэв-
равы тохо" падамда лабпива

– Хабто некоця ся"мэй ня-
рґяна ной нимда ханяхартахана
нида моёпаґу". Нярґяна ной
нир нинанд сярэ.

Не парнэкоцяр ма:

– Са"ла мирбяхана имбыта-
дод пиня сядоць мэпат ґод",
– иґукавар таявы. Манзара
харбён, хаюпа нянанд хантадм'.

Парнэкоця не хорэцянда иды
сидя няку мэ. Ненэся ґод" нярґя-
на ной нида нинанда сярэ. Їэва
лоґгле тырабэй парнэкоця нен'
тидлей". Ихинанда ма:

– Тюку некоцяхарт ґэё. Маси"
џавортада ґули" тянё ґэґу.

Ябтако парнэко некоцяр ся-
доларэй", хасаван' сиркалэй",
савак тибиди' манэ"лабта.

Та' валакада.

Наца Худи'
падвы

Я' мал', Саля

Сэвни" тяхад
Итя Їабтенянь
Ха"аврёда Салам'
Ехэрана яґу.
Я' мал' Сала тэри џабцата
Юнетарка я.
Ям' манэ"манзэ
Россия яна"
ґарка параґода
Їавэ" тая хуна
Ик нярморе"эм',
Вэсако луце"эм'
Си"ивм' есьрета
Ту ґанохана
ґэдаравэдасть.
Ехэрана я'
Хамедита яґу.
Танґита яґу.
Си"ивм' есьрета
Салаба" ютадо'.
Юр" мяд" тер"
Мар' хоба тынзяґо
ґоб" мальґгана
Ямал' хасава"
Нина" са"номы".
Ик Нярморе"эм'
ґацекэсавэй"
Хасуй я' ни'
Нэхэдавыдо'.
ґобто' нись хаю.
Ик Нярморе"э
Вэсако луце"э
Їэвари ха"мормэ:
-Їэрм' терґэ -
Ян' сюдбяди"!
Илевани' сер'
Тарця ненэцие
Хомба"мами яґу.
Параґодахани
Мань мандадм':
Я' мал' Сала -
Терсавэй я!
Юд' по' ґэсонзэ
Сала' џыл'
Си"ивм' Есьрета
Идм' хатибте.
Ик Нярморе"э
Вэсако луце"э
Тёрда я"авлы:
– Салам' лэтамбада,
Я' мал' ню ханяна хаян?
Россия яна"
ґарка параґода
Мальця' џыламна
Золото ниткы
Сэдвы ладм'
Няр ґэдара.
Няби явыкана,
Лэмбарахананд
Золото медальм' тад нерня'
Пыдар мэтан.
Я' мал' Сала
Теда' падаркана пады!

Хабэча Яунгад' падвы



Хобцоко”

Таслара”, хурка
вада” сюры”?



”””
ДА



’
П



”
ДЫ



’
ЕРЦЬ



”””
ТО



”””
ДЕР

Татьяна Сэротэтто’
сертавы”



Сидяңг: Сергей Зубков’ тадтавы

Њэрм’ сей’ ири

Њэрм’ сей’ ири, ханяна хаян?
Маня” ирикэва”, ханяна мэн?
Пон’ янгунанё”!
Њэрм’ тецьдамд ханяна ханар?
Теда’ җатеҗава”, сит җатеҗава”.
Њэрм’ сей’ ири, ханяна хаян?
Янд тиҗгэвана пон’ ядэрҗан.
Хады’ ядхана яна” җацеке”:
Едэйко, Хэвко, Саване,
Пэдава, Мерне, Хадне
Њули” җатена”.
Сит манэпато’ сёдо’ хайнангу”,
җули” хайнангу”.
Пыдар’ е”эмнянд лимбикако” вади
Пыдо’ вэролангу”.
Њэрм’ сей’ ири, тыд мере”җая”!

Марина Яр’ падвы

ОБЪЯВЛЕНИЕ

**ДЕНЬГИ БОЛЬШЕ
НЕ ТВОЯ ПРОБЛЕМА**

5 300 000
РУБЛЕЙ В ГОД

2 600 000
РУБЛЕЙ ЕДИНОВРЕМЕННО

**ПРИ ЗАКЛЮЧЕНИИ
КОНТРАКТА
НА ЯМАЛЕ**



Ямалхана
СВО’ няна
сайнорта”
ненэцие”,
мято’ тер”
е”эмня
җадимдевы”
няд”ма”



Интернет’ мутравна
сидна” хось пирҗада”,
тюкон’ тюда”.



Газета «Няръяна Нгэрм»	Главный редактор Яр Марина Тэтакучевна	ГЕНЕРАЛЬНЫЙ ДИРЕКТОР АНО «Ямал-Медиа» Зулинова Марья Андреевна	№ 50 Подписано в печать 11.12.2025 г. Вышла в свет 13.12.2025 г. По графику: 16.00, фактически: 16.00.	ПОДПИСНЫЕ ИНДЕКСЫ: на год – ПА701, на полугодие – ПР562.
Учредитель – департамент внутренней политики ЯНАО (629008, ЯНАО, г.Салехард, пр-кт Молодёжи, д. 9, каб. 708).			Тираж 3600 экз. Заказ № 1743 (тираж 3600 экз.) отпечатан в АНО «Ямал-Медиа» Юридический адрес: 629003, Ямало-Ненецкий автономный округ, г. Салехард, мкр. Богдана Кнунынца, д. 1, каб. 106	Цена годовой подписки 166 руб. 84 коп.
Издатель – департамент внутренней политики ЯНАО (629008, ЯНАО, г. Салехард, пр-кт Молодёжи, д. 9, каб. 708)			Фактический адрес: 629007, Ямало-Ненецкий автономный округ, г. Салехард, ул. Чубынина, 39А	В розницу не распространяется.
Газета зарегистрирована – Управлением Федеральной службы по надзору в сфере связи, информационных технологий и массовых коммуникаций по Тюменской области, ХМАО-Югре и ЯНАО от 19 апреля 2012 года. Регистрационный ПИ № ТУ72 – 00559			Газета выходит по субботам.	Адрес редакции: 629003, ЯНАО, г.Салехард, мкр. Богдана Кнунынца, д. 1, каб. 106 тел. +7 (349 22) 4-53-32 E-mail: nn@yamal-media.ru